



資治新書二集

九十



		五	漢
	一	一	書
	四	五	門
二	九	八	
四	六		
册	架	函	號

庫文閣內			
元	內閣文庫		
函	番號	漢	5158
四	册數	24 (17)	
架	函號	297	28



Kodak Gray Scale



© Kodak, 2007 TM: Kodak



資治新書一集卷之九目次

文告部

錢糧一勸輸

徵糧約

交代錢糧等事

嚴諭爭先等事

設法單催糧示

催糧激

錢糧二禁兌支

禁給票兌營

錢糧一勸輸

林武陵

喻念茲


賈蒼喬

吳蛟水

趙松濤

廬山斗

資治新書一集卷九目



錢糧三 革陋規

禁革陋規事

法黃石

錢糧四 禁橫徵

革火耗

賈膠侯

戒朦混

賈膠侯

禁累親屬

王望如

禁徵屯糧拆色

顧南樵

錢糧五 禁包攬

下車第二示

俞硯如

詞訟五 禁有司濫徵賄銀

禁冒徵赦過贓贖論

賈膠侯

盜賊總 飭防盜

防盜論

王書年

禁諱盜

賈膠侯

逃人一 容隱

通諭八縣

吳六翮

逃人二 假冒

禁假冒逃人

郎一桂

告示

禁銀匠索打印錢示 入錢糧三 陳司貞

禁妄報人命示 入詞訟一 陳司貞

資治新書二集卷九目

資治新書二集卷之九

湖上笠翁李 漁蒐輯 婿沈心友因訂

錢糧一 勸輸

徵糧約

泰安 林武陵 諱杭學 江寧人

為勸諭輸糧免比以全木州慈愛事照得居官當以撫字為先奉職必以催科為重撫字惟寬足法催科非猛不行二者不可得兼此官之所以難為也木州素性慈祥茲又忝為民牧益當專心撫字以遂本懷但恐錢糧一節束于功令有仁心而不能遽施必借鞭朴以行其慈惠雖曰愛之能勿勞乎然亦非交

母斯民之初念也茲當蒞任伊始卽揭出此段婆心
先爲爾士民告邇來 功令霜嚴奏銷法重錢糧不
完無論紳衿盡行褫革若在小民其以欠糧而罄諸
杖下者不知凡幾從未聞以遭賦殞身而能愬冤于
上雪憤于朝者可見錢糧之完不完關百姓自己之
禍福州縣官雖慮考成若肯盡力追比不顧怨尤亦
不怕百姓不完畢竟欠難而追易也茲特開誠曉諭
爾百姓人等其各仰本州慈愛之心遵限完糧勿干
杖責云

交代錢糧等事

嶺州 諭念茲 講三畏 刺史 關東人

照得穎地水旱頻仍民不聊生卽見年錢糧難於辦
納復何忍以節年拖欠一旦追呼揆情度理心所惻
然但新奉 嚴旨專責見任之官全完積年之欠少
有違悞叅罰隨之如地方官可以拚一叅罰爲爾百
姓請命亦何難以一家之祿代一州之糧惟是叅罰
雖加究無濟于爾等之事與其趑趄不前徒累官府
何如急公好義上下安全之爲得也本州蒿目憂心
不得不殷殷爲爾士民勸合行出示爲此示仰各都
圖士庶人等知悉所有積欠錢糧速行設法完納本

州不日限期查比此蓋仰遵近日 功令及上臺督
催之嚴勿再視為泛常有負本州勸輸至意

嚴諭伊先完納等事

照得任土作貢宜古如茲小民好義急公輸將恐後
不惟完結本身當然之責而父母妻子安枕無虞則
納糧當差非獨裕 國抑且便民有等愚頑百姓甘
心賄差不肯完課爾等試一猛省與其陸續飽奸胥
之腹乘星受血比之慘何如刻期告完舉家安樂之
為愈也合行出示嚴諭為此示仰在城在鄉各軍民
人等知悉本縣在伊始諸務殷繁奉憲催徵原非

得已爾等共諒本縣苦心如限如數上納本縣自不
憚花紅鼓樂等迎街前倘有頑梗不化視為迂談坐
誤兵餉者本縣出差嚴拿痛懲血比彼時後悔何
及哉

設滾單催糧示

蘇州署 吳蛟水 諱江偉 別駕 定海人

為頒設滾單嚴比舊欠事照得三吳財賦之重歷歲
輸納之艱凡為民牧者誰不痾瘵是念無奈長洲一
邑舊欠數萬司庫墊解屢月經年抗無完備今本廳
奉撫院藩司嚴檄責以代比夙夜焦思催徵無策念
此莞莞糧戶豈盡極惡深頑殆亦徵比之未善耳若

之吳之 海同于 掖山起 海他人 處此目 行畏途

蛟水先
生兩
郡
雙
吏
懷
澆
變
過
若

似從前不分涇渭徒事鞭笞吾恐不比不完將多比
更不完也茲特刊設滾單分列條款頒發各圖其中
多寡遲速寧減無增寧緩無驟不忍盡民之力不欲
拂人之情酌其可以奉行者準為畫一之法為爾民
省差擾之費刑杖之費人城奔走宿食之費併奏完
糧是誠公私兩便之策也願爾民洗心急公勉奉
法單一到時多方措納急完已事交付下于輪轉數
次便可陸續清逋胥吏不入于戶刑責莫加于身為
盛世之良民保身家于弗墜何樂如之本廳似此嘔
心泣諭爾民無得一味奸頑即有在逃之戶斷無在

逃之田即有一歲偶荒之田斷無歷年長棄之土倘
爾民仍前抗法臨比之時或以耄穉窮丐應召或以
逃亡水坂藉口者本廳按藉履畝殫力清查荒熟難
掩情形莫遁此時勸誠兩窮惟以三尺從事爾民才
頑無益祇足自喪其軀耳幸各猛省踴望毋望須至
單者

催糧檄

蘭縣
縣令趙松濤
四川人

亟勸輸納元二年分錢糧以副憲令以魁比累事照
得浙江賦役之重蘭邑催科之艱本縣蒞土三年徒
厘憂恤究於民溺民餓愧無寸補然視爾百姓責絲

賣穀雖云剝肉堪傷而完過一限錢糧尚有幾時安
逸鷄犬桑麻仍不失爲田家樂事初不若有司之爲
民受累駭浪驚風日坐憂危中而莫能出也茲奉糧
憲嚴檄摘比元二年舊欠以解輕登緊項本縣將欲
代求蠲恤則苦額一天無門將欲代爲轉輸則又點
金無術元二至今不爲不久所欠尙有若干履畝寧
皆水滂按籍豈盡逃亡此無過豪民之工于隱匿與
頑戶之敢十抗公耳除將真正荒區絕戶已經註明
比冊外其餘一切刁頑欠戶逐都逐圖嚴徵爾民務
須曲體上心多方措納完一分急一分之公輸一錢

少一錢之累與其差徇有費過班有費鄉城守候有
費何若踴躍輸將多方措納官於此得閒民亦於此
得樂變末世爲唐虞只在爾民轉念間也夫亦何憚
而弗爲哉今與爾百姓約有欠額至一兩者一限止
完二錢卽准免到欠額至十兩者一限止完二兩卽
准免到卽有欠額至百兩者一限能完五六兩亦
准免到此急中求緩法外行仁之良法本縣實具一
種痛哭流涕之情爲爾民婉轉開導如或終恃刁頑
甘受拘責此非貧民直與亂民等耳本縣斃亂民于
杖下亦何抱疚于心哉速宜猛省毋自貽戚

錢糧三 革陋規

禁革陋規事

江南法黃石諱若直
順天人

照得本司前任浙江按察謝客却金甘貧供職昭昭耳目遐爾咸聞迄今冷面猶存鐵骨未磷且念江南百姓連歲災傷今追正課以濟軍需尙憫爾民捉襟露肘剝肉醫瘡何堪剝削于正供之外所有從前私設陋例分毫不取卽鑄錢奮規有渣沫餘錢等項前有循例進繳者已經面叱揮却見在詳明禁革誠恐百姓商人未知本司撫恤爾等出于一片真誠仍聽好蠢撞騙合行曉諭爲此示諭爾百姓商人知悉凡

解本司銀米豆石及領辦銅炭額項錢糧祇遵限期將正數完解如有衙門人役指官措索陋規者許卽據實赴司呈首以憑拿究如爾等甘受詐騙不行發覺經本司另訪得實定照與受新例一體治罪斷不輕貸

禁銀匠索打印錢示

江南陳司貞諱秉直
臬憲海城人

爲嚴禁銀匠打印勒索以甦民累以利輸納事照得江南雖稱財賦之地歷來年歲不登人民疾困正賦尙爾輸將不前何堪額外諸般勒索今訪得上元縣納戶條銀之上必用銀匠打印方許收納投櫃是以

傾銷火錢之外每錠加銀三分名曰打印錢聞之不勝詫異此項名色訪之通省各邑皆無不識該縣從何而起本應立拿究處但念銀匠不過編戶小民斷不敢私開此例揆厥所由必係奸胥巧設或於發解之時預將銀兩扣除逢迎木官其所設規例先自傾銷之銀匠始銀匠不過手藝窮民那堪如許賄累是以不得不借此名色科歛納戶無非掩扣除之名得侵漁之實展轉剝削總為此小民累耳言之真堪切齒合行嚴禁為此示仰各糧里士民人等知悉爾等民間完條原係奏呈輸納如果銀色足紋隨便可以

投櫃何必傾銷卽欲傾銷銀鋪儘多隨處可傾何必認定一人求其打印嗣示之後永爲禁革如有不遵以無印不行收納者許卽赴稟以憑立拿究治爾銀匠亦係手藝營生自有身家何苦爲官蠹作馬牛聽其指使官蠹坐享其利爾等代任勒索之名以罹重罪愚者不爲也如不猛省仍前捕勒不容別傾本司訪聞卽行計賊定罪輕則徒徙重則絞辟蠹役立斃杖下官以通同揭報題參本司言出必行各宜凜遵慎之慎之

錢糧四禁橫徵

革火耗

陝西賈膠侯諱漢復山西人

仁人之言聞者心獨小豈不涕泗橫流

為嚴禁火耗以甦民困事照得秦省土瘠民貧兼以兵殘寇躪所存子遺皆幸留餘生於鋒鏑之後者今雖漸歸隴畝元氣全然未復所賴牧民諸有司加意噢咻庶幾望有起色催科一項即使正供不缺猶慮家衿戶肘疲力難勝若再於額外橫征是猶病夫方在呻吟而又加之箠楚痛上加痛其何以堪本部院奉命撫秦未出都門即知秦民備極艱窘訖詰所由皆謂苦於貪吏加征正數之外既有火耗又增一

收解衙門正數之外復有羨餘每自兩添搭至二三兩或四五兩不等切思火耗之禁屢奉嚴旨今秦地猶然置功令于何地不念涓滴所出悉幾黎之膏血分毫所入印官吏之賦私各官橫斂若此汝即不慮國法其如新來巡撫則甚畏簡書貪酷不察則是白貽伊戚非止于風采不振貽玷官評而已也為此示仰撫屬各衙門官吏人等知悉嗣後各宜洗滌肺腸改易絃轡凡里民交納錢糧止照由單派定正數依司額印等秤納令其白封投櫃毋得私置重等額外加收如有糧等不屬司額即係貪官私置

入櫃不令自投。卽係衙蠹暗侵。或被人告發。或經本部院訪聞。官叅吏處。不能枉法以從寬也。

戒朦混

賈膠侯

爲本折分派未明。官役朦朧侵蝕。嚴剔夙弊。以匡殘黎事。照得任土作貢。雖小民分內之事。按畝徵輸。乃朝廷畫一之規。正數之內。毫無容缺。正數之外。亦毫不可增。故派徵錢糧奉旨設立紅簿。令有定數。以便給散出單。使家諭戶曉。正所以防濫徵而杜加派也。近聞秦中有司。額外加收。在在皆是。而派運本色之咸陽臨潼等州縣。爲尤甚。如每年應徵錢糧。出距

止載折色。並無本色名目。或應徵折色七八分。應徵本色二三分者。竟不預定本折數目。州縣各官。先以折色聞徵。如十分中應徵本色二三分。每米豆一斗。照部定價值。該准銀一錢。則二三斗之數。便當置二三錢之額。抵算正賦。今則竟將折色徵至八九分。只留一半分派本色。及徵本色之時。不論幾斗。幾升。照數催比。究竟只抵一半分之數。而其赴上司銷算。則照本等分數造冊。其從前徵定之折色。悉飽奸貪之窟。壑無論蠢爾愚氓。莫悉底裏。卽有明知派徵過額者。其如官吏抗心勢難。聲說欲留。未盡之脂膏。必受

無窮之歛朴反不如朦朧完納知猶不知之爲愈也
本部院言念及此不禁髮豎若不嚴行禁飭害何由
止爲此仰司官吏即便嚴飭原解本色各州縣嗣後
派徵錢糧照依該州縣原額地糧要見每糧一石應
徵折色幾分該銀若干本色幾分該銀若干將銀數
與米豆草束數目逐一開別分明載入紅簿刊入由
單仍於花戶名下註明應納細數使其明知灼見于
未納之先不致啞口吞聲于既納之後如有仍前混
徵侵蝕藉法虐民者該司廉訪得實即便密揭呈報
以憑察拿從重究處如該司漫無覺察或知而不言

則本部院執法以繩其後勿謂言之不蚤也

嚴飭早惠災黎等事

撫州 諱玉珍
太守 劉黃中 宛平人

照得該縣身在百里與民最親地方遇有旱災該縣
代爲呼籲既奉恩蠲十分之二士民望澤既懇該縣
承流宣德自不可緩也近聞該縣奉蠲已有分數流
抵尙宋行知或有別款應補亦須蚤詳以期其信乃
遲之又入思典虛懸不惟本年丁地觀望愆期而衆
口嗷嗷則該縣恤災請命之意幾至不自合就出示
嚴飭爲此示仰黃縣官吏知悉該縣節年錢糧如
無應抵項款應作何減免速爲詳務使合邑早沾

實惠不得因循怠玩置民痛癢于不問也倘有蠹役
捐勤侵蝕本府一經訪聞立提經承盡法處死該縣
亦難免覺察不及之矣

禁累親屬論

衡州王望如諱仕雲
司李江寧人

為嚴禁苛累平民設法徵收事照得里排視花戶為
魚肉押差借欠戶以居奇止因私幫之數十倍於正
供以致各里悉多逋欠小民之轉徙他鄉荒蕪田地
職是故也官斯土者止宜軫卹招徠使逃者漸歸復
業乃稱收拾人心扶植流亡之善政何復聽信衙役
任意株連不思懸欠者十之一包侵者十之九書吏

押差交通作弊乃置肥囊盈橐者不問而獨因一人
以累眾人因一姓以累眾姓今之疊累若若監禁呼
號者非羊代午爨之族人即李代堯僵之外戚此法
出自何典此今起自何官先賢不云乎罪人不孥孥
且不罪况以拖欠錢糧之故罪族罪親成何法紀為
此仰縣官吏速將節年所欠錢糧另作徵收之法務
使裕國而不害民將此株累無辜之弊政速行洗刷
倘猶執迷不悟本廳即將此等苛殘積弊據實揭報
司道兩院以憑特疏題祭當此舉計之歲正酷吏視
魂之日貪官解綬之年本廳斷不敢容隱害民官吏

即禍地方也

禁徵屯糧折色

六合顧南樓諱高嘉
縣尹秀水人

照得屯軍之苦至今為極節蒙各憲嚴檄不啻三令五申移准各衛所開文悉具遵依彙報內俱結稱徵輸本色並無敢橫徵折色者是各衛所無不恪遵功令愛養窮軍矣乃積習未除陰違陽奉此皆二三刁旗構通衛識胆粗手滑虎嚼鷹貪以一石正糧時值不過五錢而勒折銀一兩四五錢不等加以額費抽豐冷來三倍正供稍不如欲不給倉收仍帶血比嗟此窮軍雖大有之年倉箱豐滿尚不足以克苛索

况當蝗旱交侵秋成絕望滿目荒烟救死不贖之時而仍然橫征若故哀哉痛哉嗟此窮軍有不流離死亡者哉本縣既忝軍民司牧又復稟奉憲行而瞻徇情面置窮軍之流離死亡于不顧不第尸素之罪上通於天將來有地無人地方官何所逃其責也為此示仰概縣衛識旂丁人等知悉務要痛洗肺腸猛改陋轍悉照本衛所印結遵依徵催本色其餘一應耗費盡行蠲除不但下之屯糧易完抑且上之考成易副在窮軍雖被天災尚可苟延旦夕在爾輩存此窮軍筋骨不致流離死亡為利亦不淺矣倘迷而不悟

仍舊橫徵許受害屯軍將勒折銀數據實擊鼓赴稟
即當飛揚上聞本縣冷面冰心不畏強禦不難拚此
微官以為窮軍請命也言之諄諄其各敬聽

錢糧五禁包攬

飭私票收糧

上元李屏山諱乾先
邑宰

嚴飭私票包攬以甦民困以足正賦事照得地丁蘆
課二項錢糧上關一國計下係民生纖毫務宜着落
絲忽毋容侵蝕但往往有鄉下愚民聽信奸徒哄誘
花戶不親人城竟以糧銀私交排年排年私交里長
里長私交櫃頭各立私票一紙遂為憑據後被櫃頭

竊書交相侵蝕及至層層根究其害仍歸小民夫以
私票收官糧原屬欺公之事即使楷墨鮮明字畫端
楷亦不足據况於日月既久紙約破碎併私票字蹟
亦在有無閃爍之間彼此涵爭莫可究詰所以設立
截票半給納戶正為杜防此等弊竇爾等鄉民想亦
家知戶曉但有一種善口蠹棍善為說詞百計哄誘
不怕海恩不墮術中命行嚴飭為此示仰各區里通
并圩長佃撥人等知悉示後完糧務以印票為憑不
許用私約包收如有故違不遵仍蹈故轍者查出除
不准追賠外仍將與者收者各責三十板枷號一月

不饒符示

錢糧六 禁捺擱批廻

立掛銷批廻長牌示

江西 蔡魁吾 諱士英 錦州人

為申飭掛銷批廻以革積弊事照得各州縣解役領解錢糧原係苦差而該司經承庫胥視為奇貨批廻一經掛發有歇家包攬之費有合衙需索之苦有庫吏包平之弊每銀千兩隔規不下五七十兩往往銀未入該司之目而常例已先入各奸之手矣如不依從歇家挑唆合衙勒措而庫吏秤兌更高下其手所費又不止于五七十兩也致令領解人役使用過多

添搭不少或出私費傾家破產或挪動解銀正項掛欠因而歷批不發血比喪命此等弊端本部院知之最真除一面訪拿外合嚴申飭為此示仰領解員役知悉嗣後解到錢糧批按本部院掛號本部院即將解批封發布政司解役不必于次日候領止于三六九日清晨即將所解之銀親賈本部院轅門前伺候本部院設一長牌差人持赴布政司各解役跟隨長牌到司即刻兌收一經兌完布政司即于原批內款下填註兌足如有欠數亦于批內填明掛欠用印鈐蓋布政司兌銀之後即於本日將批封呈本部院

各解役次日仍赴本部院領批如批一張不繳孰係
勒索定行鎖拿庫吏經承重責十板二張定責二十
板論批會算決不輕貸至于兌銀每百兩敢有徧敲
平針作弊重要加平勒指解役及仍前攬索包平以
致掛欠多者許解役于領批之時即面稟本部院以
憑立拿追贖究處該司還通行州縣凡發給起解銀
兩務遵布政司頒發法馬親自兌足實實封鈐印蓋
不許用印在至赴司收受之時驗明原封秤收若有
短少即係州縣之咎庶幾糧不致多欠而滑役亦無
可藉口肆奸矣布政司每週三六九日毋論風雪必
要下庫兌收不得過期滋弊

錢糧七禁民越境避糧

論逃民

甘肅巡撫劉鼎勳詳定人

為立法禁止奸民逃避 國課事照得臨鞏二府百
姓兵燹之餘固稱窮苦復以荒地丁賠累更爲難
支本院蒞任以來訪得此情不勝殄恤已為兩民屢
疏瀝請荷蒙
皇上特恩免練餉免積逋免災傷免河崩沙壓免興
屯捍銀種種不一爾兩府歲額兵餉僅十一萬有奇
自元年迄今為爾免過者約三十萬有奇本院心血

亦已嘔盡。朝廷德意可謂至隆。宜爾百姓樂此。川
畝踴躍力耕。完將來之國課。何意逃亡編戶。愈免
愈多。近來報荒申文。接踵而至。揣爾愚民。豈必欲盡
免而後已耶。獨不思天地之間。豈有無丁無糧之州。
縣乎。本院殊為驚訝。隨加密訪。始知百姓之逃。非真
逃也。乃刁戶頑民。躲避錢糧之計。其往也不過數十
里。或係訪親。或係訪友。寄遇隣境。以避追呼。即往西
安者。乃是乘其收麥種禾。赴彼傭工。覓利而已。而里
長藉口。一逃搪塞。有司該州縣亦不以軍國為念。
輒行具申。妄希題豁。此誠不職之甚也。况田地新經

清丈荒熟。分明嗣後民逃。其務有司之不能撫字也。
明甚。今本院設立一法。自後但有州縣申荒者。先以
不職論罷其逃丁。許即申報。司府開列。向往地方。該
司府即行該地方官。立刻解回原籍。如地方官漫不
經心。一併叅處。其高逃之家。許該地方官。輕則自行
究處。重則報院拿究。普天之下。總屬王土。爾好民
豈能浮海越國。以避維正之供乎。法在必行。毋得妄
想。特示。

詞訟一 勸息訟

禁民刁訟

卷九

江南江麻謙六 諱勸古
西總督 滿洲人

六

制臺甫

廢

罷命尚

未出都

而兩省

貪墨之

風先為

不愛及

其甚在

以後廢

苦風遠

又復靜

如山嶽

更攝不

怒之感

其享無

事之福

誠蓄虛

再見之

秋也仁

政種七

情此書

先已告

成未及

多載法

登二示

以見一

班餘侯

藉光三

集

為禁止健訟祛革刁風事本部院奉命總制兩省以

察吏安民為務與利除弊為心夙夜兢兢如恐不及

自入境以來即有當路呼撿必皆停轡詳詢雖情詞

俱不相符亦不呵叱懲責姑行誠諭遣發今到任之

初尤以听訟為民命所係即行放告志在清蠹理窮

惟慮下情不達及至唱名親加研問確核甘情或廬

列多欸茫無指寔或牽引成案一概株連或台人命

劫奪而並未控於當時或愆戶婚田土而竟不由於

本縣或被犯現經問罪而尚欲深求或原告井已審

虛而更思翻案或賊証俱在遠年又非切已或重情

不告正犯反涉旁人誣妄不極難以故舉本部院一

一窮詰無詞可對即曉曉陳訴愈見支吾更有狀詞

迫切臨期不到前何故而上控今何故而潛藏此皆

毫黠匪民恣肆讐口亦有愚頑無識悞聽訟師立燭

真情何煩再造以及士子違例條陳紛然混瀆雜沓

不安本分妄有干求並應嚴究以戢刁風俾本部院

蒞政之初原為欲脩晰民隱令其控告姑從寬宥免

責逐去除原狀不准外合應嚴禁為此示仰闔屬官

吏軍民人等知悉惡不可終思不可再自示之後務

須恪遵法度安守職業息爭止訟以樂太平若非真

資治新書二集卷九

十七

正沈寃母逞一朝小忿如有仍前妄訐定行重究一
干法網悔不可追各宜慎悉須至示者

列單止訟諭

山東周葵初諱有德
巡撫

為誣告 新例甚嚴愚民每多犯法再行諄諭以期
猛省事照得近日有新例誣告及撥唆者俱照所誣
反坐代人控告者處死立法何等嚴切乃東省徒訟
刁民愆不畏死無論事之大小一不遂意使胡瞞天
大狀設計害人豈知兩造對質是非難掩及至審虛
按以 新例治罪刁民訟師何苦不痛加省改徒贖

傾家喪命之禍本部院哀憐此等愚民誠恐無知犯

法只說

朝廷立法雖嚴問官行法必恕未必誣告之人箇箇
反坐不妨以身試之殊不知以身試法者從前業有
多人現在破家亡身悔之無及但爾等未見榜樣耳
今將誣告而犯重罪者摘出數人臚列於后曉諭通
知使一切健訟頑民齊看樣子着實省悟痛改惡習
安分息爭如果有含冤負屈情不容已者不妨據實
稟書以便臨審質對慎勿仍前捕風捉影牽累無辜
東惠政 希圖聳准欲快一時之小忿致付身家性命于一擲
數有干 難更僕

誣訟示
無人不知
有從未
見則名
示誠者
先生撫
東惠政
難更僕
數有干

古兩調

公之號

惜乎名

稿不得

僅見一

斑借此

為三集

也本部院此番示諭實出一片婆心爾等急宜猛省無再忽視

計開

壽光縣人丁某係某科進士已選推官使類繼善告

揚禮乾審係虛誣已將丁某擬絞監候類繼善擬斬

決訖

濱州人張某係廩生告故官張繼前男張錄賣城盜

帑審虛問張某廣東充軍發遣訖

曲阜縣人張某告孔大侯大盜霸孀事審係虛誣問

擬張某流徙見在發遣

膠州人高某告蔡士升航海通賊審虛問擬高某斬罪監固候決

高苑縣人張某告縣官魏禮義急剪蠹國審係虛誣

問擬高某流徙見在發遣

霑化縣人王某告鄧會字殺父霸產審虛問擬王其

流徙見在發遣

昌樂縣人田某冒名告田惠年窩東奸母事審係虛

誣問擬田某絞罪監固候 旨處決

臨行勸民息訟論

為申嚴才訟之禁以抑頽風以安善類事照得詞訟

資治新書二集卷九

九

青州 陳綠崖 韓資始 巡憲 晉江人

之累人勝於水火盜賊忍耐之利已過于商販經營
爲爭片紙輸贏費千百貫難尋之錢鈔能忍一時性
氣保數十年勾享之家資况山東何地今日何時爾
百姓從快刀烈火之中逃得出這條殘命洗家蕩產
之後留得在幾貫餘錢還不想做一分好人家終日
喜爭樂訟爲衙門書役作生涯遊客抽豐尋活計不
知爾等是何肺腸豈東民大難雖除餘劫未盡必欲
復民間財物盡數攪完而後已乎自本道蒞任之初
卽已諄諄告誡勸爾等止訟息爭嗣後又不時申訴
豈料爾等才猶成風至死不變本道每一次放告則

鼠牙雀角之訟盈庭呼冤號屈之聲塞耳甚至伺候
本道出門跪街攔馬浴途拉轎脩極諸般激烈情形
本道因驅逐不開只得暫爲准理既爾民間冤枉若
是其多人命抄劫狀詞批准不盡何以問官審結之
後招報前來強半皆屬子虛索令本道追悔從前不
如不准之爲愈也想爾等呼冤號屈攔馬拉轎之時
竟似有不共戴天之讐若不勝彼寧死勿生之意乃
今詞狀審虛錢財是你用罪贖是你完刑罰是你受
這等看來以前喫虧都是假今日受屈纔是真以前
喫些小虧尙且不肯忍耐如今受此大屈自然有死

無生乃究竟不曾氣死依舊活在上仍與讐人共
戴一天若肯把這番忍耐性情用在未曾告狀之先
不知省了多少錢財免了多少耻辱又少結了多少
冤家想到此處則以後雖有極大怨讐亦當付之不
較何況睚眦之讐與一朝之忿乎故氣死不可告狀
與餓死不可做賊同一理也今本道這些說話雖爲
告過謊狀喫過大虧者而言爾民有未曾告狀未曾
喫虧與從前告過謊狀而反繳倖得勝者俱不可不
知警戒輸過狀詞的人以後不想告狀得過贏頭之
輩將來正要傾家塞翁得馬未必非禍今本道這批
告諭警誡輸家之意少提醒贏家之意多不可不加
體認本道蒞青州數年自媿德行涼薄不能變化風
俗移易民情以致爾民健訟如故乃今本道解任在
邇臨去之人不當饒舌但念在此數年未嘗有一事
加惠爾等臨行若無片言爲贈則是始終相負于心
何安將此等藥石之語刊刻成書爲爾民諄諄勸諭
爾民其各深思

禁刁訟

霸易 張壺陽 高平人

爲禁止刁訟以安民業事照得全體實質鎔劔則凶
水性雖平因風而險磯之則激不平斯鳴處身非三

代之世化民無罪已之官不能必其無訟也明矣所
惟人心不古刁悍成風每因醉詈夙嫌釀成殺人讐
怨或以婚產細故裝砌叛霸虛詞非越州縣而道呈
則合督撫而部控甚至通狀叩關迷天謫詭止圖
洩忿眼前不顧後來歸結及至控准之後仍發該督
撫及地方官據實審擬並未因其刁悍稍枉國法
以殉之倏然自下而上由外而內事苟近實則坐被
告以應得之罪與在外控告者無異稍有誣罔其冒
瀆反坐之罪曾饒過誰法不干人愚民自干于法耳
除條約申飭外合再出示曉諭爲此示仰道屬士民
人等知悉果有深沈冤枉未得昭雪不係赦前經下
司屢控未行或受賂賄致屈者方許據實陳告載明
年月隨事直書不得舞文捏架逞刁越訴如或肆三
面之雌黃扇兩頭之風火改小裝大翻舊爲新視良
懦爲几上之肥斜群狐爲腋間之羽或恃衙門轟王
線索通靈或受好人唆撥字句巧飾輕構譁張之訟
不避罔上之愆審至水落石出不覺齒閉唇封一到
此時無論本道心限于法不能爲爾輩稍寬卽爾輩
法加于身亦無自寬之術矣

謊狀必究訟師論

豐城房慎庵
諱廷禎
邑宰
三原人

照得健訟之戒已經三令五申冀爾民止闢息爭用力田畝詎料積習難更愈懲愈熾每一放告楮牘盈庭及至據詞審理百無一實揆厥所由非小民之好訟實有陰持訟柄之人不喜無爭樂于有事所謂訟師硬証之流是也自今以後凡有詞訟審虛先貴于証後懲原告立拿代書一併究擬但使唆鬪之人則爭者不勸而自息矣合行嚴飭為此示仰訟紳于証人等知悉自後各安已業休管闕非勿以幫助為忠勿以挑唆為智如有怙惡不悛仍前為人扛訟者審虛之日罪歸爾等不是唆人害人乃唆人害己也

強訟

河南賈膠侯諱漢復
山西人

為折贖新法甚嚴窮黎輕訟宜慎痛加曉諭以醒愚頑事照得本部院奉 命撫豫伸冤理枉分所宜然除暴安良尤屬素志故每月于初二十六日放告二次原恐撫屬地方有貪污官役嚼害軍民強悍勢豪凌虐良懦期為一方雪此冤抑耳乃有等刁惡奸險之輩乘機營私借端圖害或情本虛誣而捏成不易之理或事原細小而張為莫大之冤夥計措謀扛幫硬証此狀未結彼狀復興不至鑿足其欲而不止及至審明涉虛以誣告反坐不過薄擬一杖計其所騙

之資除贖罪之外尙多餘羨又值本部院憫恤窮民
概批豁免所以無賴棍徒自喜得計由是囂風日長
而囂訟日滋更有無知愚民止爲田土小嫌戶婚細
事片語不合卽行瀆告殊不知近奉新例擬杖一百
贖銀三十五兩卽至輕減等亦不下二十餘兩爾民
兵火之後蓋藏有幾目前所藉以資生者不過幾石
餘糧年來五穀頗登糧米甚賤糶空倉廩尙不勾完
一贖賤試問爾民終歲勤苦却是爲何若無積貯之
家又必傾貲破產賣子鬻妻甚至於終年敲扑殞命
獄底此又勢所必至者也本部院言念及此不勝痛

心故七月十六日據士民投狀六十一紙內擇其情
理重大者量准十一紙其餘盡付祝融正爲是也除
出牌曉諭外合再通示申諭爲此示仰撫屬軍民人
等知悉示後爾等各守本分卽有微嫌小隙當自忍
耐

下車第一示

江寧俞視如諱滋慧
邑宰新會人

勸民息訟以安本業事照得本業遂則民生厚民生
厚則風俗醇然所以遂本業者惟不輕構訟一事乃
喫緊關頭茲本縣下車伊始職在親民要知親民與
緊關頭亦卽在使民無訟願爾軍民人等遵我誠諭

保爾身家勿因微嫌小隙之難忍而動思與訟勿受
奸徒刁棍之唆使而輒駕虛詞勿惹差役上門而受
無厭之誅求勿惹刑責上身而忍難堪之痛楚勿舍
家庭宴樂反尋歇店之淒涼勿拋閭里安閑自討路
途之跋涉省訟師干証需索之錢留衙門歇家使用
之費併力急公輸課逍遙樂業于盛世之間豈不至
樂苟或不慎一字公門九牛難援費盤纏悞正事荒
時日討煩惱諸苦備嘗雖悔何及倘有事屬剥膚萬
不獲已者須遵本縣限期進詞告理惟人命強盜重
情方許不時呈報至戶婚田土等情雖經告准仍許
親友解紛使有訟者復歸無訟是本縣之素志也必
不苛求特此布告

禁妄報人命示

江南陳司貞
臬憲 諱秉直
海城人

為再行飭禁妄報人命以甦民累事照得江南積弊
地方人命無論真偽保甲索詐不遂即行申報以致
小民生者拖累死者暴露為害不淺本司深悉其弊
是以前經申禁凡果真正謀故毆殺方許保甲具實
申報其投河自縊路倒并失腳落水等項許屍親立
時收殮掩埋不許保甲妄報屢經出示嚴禁不謂猶
有踵習故弊仍前不法者今聞上河地方張瑞義男

安兒于初五日失脚踏水身死被保甲通報廳縣乃
該縣印官不行察明差役四出致胥役居為奇貨希
圖索詐不容掩埋假令果係真命該廳縣亦當隨行
親驗即着暫殮亦不應差役肆擾况係失脚踏水原
非真命差拘勒指將欲何為乎藐法殃民殊可痛恨
除立拿保甲縣役究處外姑再嚴行飭禁為此示仰
閩省軍民并保甲人等知悉嗣後凡地方人命如果
係謀故毆殺方許保甲申報至於投河自縊失脚踏
水等項俱聽家屬掩埋一槩不許妄報如保甲仍前
不遵借端妄報及該地方官擅行差擾許被害之人

即赴本司喊稟以憑立拿究處決不再宥

公蒞江南三載民間積弊搜革始盡泉江如此
撫浙可知不識兩省人民何修而得此福星也

詞訟二停訟

歲暮停審

杭州許漢昭諱天榮
別駕

照得年荒時歉爾民拮据良苦當此歲盡為日無幾
鮮衣美食即不關心柴米油鹽誰無擊念兼之那移
借貸取償正在此時父母妻孥仰望倍於他日如其
公門守候必致家庭不顧人皆慶得祈年爾獨嗟難
卒茂本廳興念及此甚為憫惻今將一應詞訟已經
齊到者即於兩日內盡行審結其未到者槩行停止

資治新書二集 卷九

庚

懸審候結俱俟新春。至於錢糧已完者，不必候比。其有所欠不多者，准元宵前照數完納。蓋百貨至此時而愈貴，百務至此時而愈迫。錢糧至此時而來路愈艱，揭債至此時而子錢愈重。若不體恤爾民，使爾民不能獲一日之安，卽本廳不能安一刻之心也。特示。

詞訟三 禁請託

署門語

汀寧管糧司馬 姚繼菴 諱上升 江陵人

功令森嚴，鬼神可畏。八行狎至，鐵面如初。此兩造所稔聞也。獨何故使我日獲罪於大人先生，今後凡有請託未審，曲直先責屋上畢通。倘若以勢分相凌，此

廳但有斷頭，同知無花面，同知也。特示。

詞訟四 禁詭息

下車第二

江寧邑宰 俞祝如 諱滋慧 新會人

為申飭止訟安民之規，嚴懲詭息養奸之弊。以杜欺瞞，以防刁黠。事照得本縣忝膺親民之寄，常切保赤之懷。首務解忿息爭，以期刑清政簡。下車伊始，出示通知。雖不能使民無訟，亦不至訟獄繁興。每當批牘，不取濡毫。雖情真事確，仍再思而行。過告息求和，不待計而決。區區片念，在在期孚。不料上理未臻，沈風滋溺。因窺樂靜喜恬之志，遂起陰煽陽撲之端。或藉

訟以詐財財詐而懇息或託勢以銷狀狀銷而復興
或捏干証之名或託里隣之口原不通被被不通原
罔畏電雷之章擅弄魍魎之影即於死生至大之事
視為真偽條穢之情解鈴繫鈴原出一手欲生欲死
豈伊異人巧設津梁工填慾壑殊為可恨為此再行
申飭嗣後凡有稟息狀詞務要犯証各正身當堂面
遞以便審息立斷葛藤務使兩造心平無滋蔓草敢
有故違仍前欺准証息者定拿本犯嚴懲。

詞訟五

禁有司濫徵贖銀

禁有司冒徵贖銀

河南賈膠侯諱漢復山西人

為贖銀題報有數罪銀批免可稽再示申明以杜奸
弊事照得中州累歲災荒困苦已極本部院撫綏茲
士深為憫念至于罪贖一節係民脂膏本部院體恤
甚周矜憐更切故凡各衙門呈到招詳除奸惡異常
法難輕貸者俱照歲終例方行批免收贖題明解部
除題報之外從無輕罰一罪輕收一贖計十五年分
共題過贖銀若干十六年分共題過贖銀若干
其十七年分共詳免過贖銀若干俟各衙門呈報追
完實收年終彙題外其餘因公錯誤事少情輕者憐
念民艱一槩批免從無既免不題之銀更無允多題

少之事臬司報部底冊與各屬奉行卷案歷歷可考但恐有不肖官役或將批免者捏稱詳允而追潤私囊或托言請示而詐充谿壑是本部院空有批免之名而諸人犯未沾批免之實前雖通行嚴飭猶恐法久滋弊合再出示申明為此示仰撫屬官吏軍民人等知悉凡奉到本部院批免贖銀各承問官即將犯人某人贖罪銀若干某年月日蒙本部院批免大書條示官貼照壁曉諭各犯通知如有一起不貼條示者爾各犯即赴承問衙門討看原詳倘係批免而仍行追收者許本犯赴本部院指名控告定將問官叅

拿經承處死不貸

盜賊總論諭防盜禁諱盜

防盜論

涇陽縣令王書年諱大有丹徒人

照得涇陽一縣為全省要衝巴蜀孔道旌蓋絡繹商賈紛馳然來往人多則奸宄易匿四方雜處則踪蹟難稽况此都人士素負殷實之名今雖十室九空人莫之信本縣自蒞任以來周知民隱目擊時艱仰其賈長沙之血誠亦不敢輕為隕涕以人盡視為昔日之涇陽不知為今日之涇陽也惟千勸課農桑外急為未再綢繆之計申嚴保甲之令向已行之惟恐視

爲具文昨又再加嚴飭但仕商叢雜之地不同干荒
畷僻壤朝散暮集此去彼來一有稽查不到卽爲奸
宄所潛目今劫鄉劫城處處見告豈有向不著名之
地不爲強橫所遺而素擔虛譽之邦反爲覬覦所不
及者哉合行嚴飭爲此示仰居民人等知悉嗣後各
嚴門戶早開晏開刻刻以防患爲心時時以被盜爲
慮庶幾安不忘危備凶得吉尤望紳衿耆老勸誠凡
民使之化惰爲勤變弱成勇一聞盜警爭先捍禦有
能殺賊暨活擒者本縣定有賞格斷不食言

禁諱盜

陝西賈膠侯諱漢復
巡撫山西人

爲申嚴弭盜之方兼飭諱盜之弊以靖地方以安民
生事照得有司身寄百里保障一方須令四郊無犬
吠之驚百姓享燕安之福始於厥職無忝今聞撫屬
地方盜風彌熾或暗襲堡寨或明劫鄉村或要截道
途或窺視城郭而該管印官戶位坐觀有同木偶該
捕員役偷安忽視竟若罔聞不惟漫無緝獲亦且隱
不上申逾經本部院察出行查則又多方掩飾百計
彌縫不曰事屬烏有則曰穿窬小盜以明火執杖之
公行指爲暗中摸索以嘯聚燎原之橫舉稱爲釜內
游鱉甚至拿獲盜犯審出供招明知行劫有地失主

有人贓物有據其為真盜無疑矣而州縣等官慮從前之未報恐察罰之及身因而寬假出脫不以法繩徑行釋放是功令愈嚴而法網愈漏法網愈漏而草竊愈多此風不戢長此安窮非止現在之盜賊不能化為良民吾恐異日之良民亦將變為盜賊耳台行嚴飭為此仰道官吏嚴檄所屬印官責令捕快人役在於該管境內不時巡緝凡遇面生可疑之人即加盤詰隄防既嚴盜自歛跡倘再泄泄從事致賊生發而隱匿不報及以強諱竊以竊諱無者或被失主告發或經本部院訪聞定將印捕等官飛章叅處經

承捕快等役立置死地迨至彼時終知盜不可諱上不可欺即欲求為輕叅小罰而不能也慎之勿忽

逃人一容隱

通諭八縣

金華太守 吳六翮 諱華陰人

照得逃人之法極嚴說起令人深慄以理論之既有如此重法就該人人怕死一過輕生可疑之輩即使不是逃人也該疑作逃人地保隣佑人等嚴加盤詰不許容留方纔扯得直過奈何尚有明明知是逃人留者自留當首者不首以致一旦事發舉數十人之身家以狗之癡愚百姓古來原有但止有不學好之



愚民未有不死之愚民即或有之亦是自已不學好以致陷於死地而不怕未有他人不學好陷自已于死地而不怕之愚民也近來容隱逃人而不行出首者請問那箇是不學好之人那箇是怕死之人不料從古未有之愚民恰好都生在今日豈非怪事本府下車數月喜得八屬地方有福不曾犯出逃人可見此等愚民吾地尚少但恐徼倖從前難保日後又恐現在原有只是不曾發覺故揭出此段議論命爾等百姓知之但願爾等人人怕死即是地方之福亦本府及諸縣令之福也

逃人二 假冒

禁假冒逃人

江南 總督 郎 一 柱

為嚴拿假扮逃人以靖地方事照得逃人經過地方每每借端擾掠小民畏其板害任憑攫取莫敢與爭船戶及解役人等又復借此居奇代為設網所獲之物多寡量分此各省商民之通患也本部院洞悉其害到任之後即已通行各屬官吏凡押解逃人俱着嚴加鎖扭照限遞解不許沿途停泊以滋紛擾此係真正逃人猶加防範若此乃近來又有一種凶命好徒因見逃人獲利無端幻出詭謀十數成羣改頭換

資治新書二集卷九終
而以一二凶狠之輩假扮逃人自加鎖扭其餘或扮
解役或扮船戶橫行河道搶掠行舟商民目爲真正
逃人方拱手遜避之不遑焉敢與之對敵由是闖入
客船肆行擄掠此輩之爲害更甚於真正逃人本部
院熟知此弊故于要緊河道密布兵船雖爲防賊亦
使之捕獲奸徒乃近來蘓松常鎮等府地方城守江
防船隻及各塘擺撥之兵星布棋列其爲詰好防賊
計者亦旣嚴且密矣聞得猶有此種好輩不時作祟
于其間不知各路官兵平日所司何事即使真正逃
人沿途生事亦爲 國法所不宥况屬假冒者乎除
嚴行申飭外合行出示曉諭爲此示仰各水陸汛守
官兵知悉嗣後務要不時巡邏嚴加稽察如遇解逃
船隻經過驗有解役批文卽行照限遞解無許遲留
生事倘有前項奸徒假冒逃人名色擾害商民立刻
緝送該營將以憑解究如仍前袖手不顧縱使殃民
其該營將弁立行叅拿究處各營官目仍每月具有
無假冒逃人及拿過起數甘結呈送該營將彙繳以
定各官功過無得有違

資治新書二集卷九終

資治新書二集卷九

三

資治新書二集卷之十目錄

三

資治新書二集卷之十目錄

資治新書二集卷之十目錄

資治新書二集卷之十目錄

資治新書二集卷之十目錄

資治新書二集卷之十目錄

資治新書二集卷之十目錄

資治新書二集卷之十目錄

資治新書二集卷之十目錄

告示部

刑罰總禁誥刑

賈膠侯

論各屬

賈膠侯

革私禁

王望如

學政一較文士

初飭月課

張蓼匪

觀風月課示

絕光甫

論求覆諸廢矜

張蓼匪

科考童生示

徐德未

資治新書二集卷之十目錄

一

觀風示

徐荆山

諭衡山縣儒童

王望如

學政二 較武士

遷將林

官撫辰

申明將才

官撫辰

考技勇

官撫辰

學政三 禁冒籍

歲考童生示

許松牖

學政四 戒貪緣

教條之一

張夢匪

諭童生

史道林

學政五 端士習

教條之一

張夢匪

學政六 禁保官

諭各學生員

王印周

學政七 設義學

設義學示

蔡魁吾

學政八 庶務

禁學官牧馬

盧山斗

軍政一 召募兵勇

殺賊立功論

紀光甫

軍政二 約束兵丁

禁餉滿丁

麻謙六

禁戢暴兵等事

佟滙白

禁戢隨行官兵

盧山斗

曉諭事

唐伯顧

論瓊州兵民

馬翰如

軍政三 禁虛冒兵餉

條示之一

李包簡

禁冒餉

盧山斗

軍政四 撫兵

諭六營遣散各兵

姚繼菴

其二

姚繼菴

其三

姚繼菴

其四

姚繼菴

軍政五 安民

止逃民論

史道林

止逃民論

姚繼菴

軍政六 調劑兵民

諭杭州兵民

佟崑璧

禁民避兵示

吳伯成

軍政七撫賊

招那危賊示一

姚繼菴

招那危賊示二

姚繼菴

招喃咾賊諭

姚繼菴

禁民妄告投誠

葉函公

招諭李榮叛黨

盧山斗

十卷內新增目次

告示

禁鷹架示 入軍政六

陳司貞

正文體 入學政一

祖起凡

季誠告西陵士子女 入學政一

梁治涓

礪武生 入學政二

祖起凡

教條八款之一 入學五

祖起凡

資治新書二集卷之十

湖上笠翁李

漁菟輯

僭沈心友校訂

刑罰總章禁私禁

諭各屬

河南賈膠侯諱漢復山西人

為嚴禁濫加刑罰以肅官箴以軫民命事照得貪酷
二字原自相仍酷以濟貪故貪則未有不酷者近聞
邸抄以此掛彈章犯不赦者此此而是夫既為民父
母何故不以保赤為心必欲自作之孽致于天和而
投法網身名俱喪家產全抄木部院目擊心愴實不
忍嚙嚙以處此也今自入境以來密訪既真風聞頗

資治新書二集卷十

一

確慈祥豈弟者固不乏人。擗噓殘忍者亦指不勝屈。或戶婚小忿而擅用大刑。或受人囑託而淹禁獄底。且收無力為有力。以取媚上司。易舍收為庫收。以希充私。豪探厥其由。總因京債逼索。故不得不昧心巧取。以應之。否則親朋座主等。候人情。故為嚴刑峻罰。驅而使往。名為父母。實則冠讐。言之實堪切齒。官既無良。民實有口。未有不怨讟咨嗟。而聞之於上者。茲本部院杜酷除殘。端於共事諸司。有厚望焉。合行禁諭。為此示仰。撫屬大小官員。知悉。凡有地方之責者。務期作畏。功令俯恤民瘼。非重大事情。不許擅動。

夾棍非 欽職重案不得羈禁。國田士關爭只宜諭令。和息上司詞訟。一惟依律申詳。務以撫字為心。不愧父母二字。本部院聞見頗周。若係真實愛民之官。自加優異。倘執迷不悟。覆轍相尋。則與語法語兩窮。本部院惟知除害安民。恐不止懲一以儆百也。各司道刻意廉訪。一有確聞。即行密揭。以便叅處。才品風力正。於是規其所長。無忽。

革私禁

衛州 王望如 謹仕雲 司李 江寧人

為永革約長鎖禁平民事。照得本廳奉巡撫部院暨巡憲嚴檄。清理冤獄。應保者保。應釋者釋。推廣

聖明德意庶免益熱益深最可恨者衙郡素有陋習
正印佐貳等官不分事件虛實輒發百長羈禁畫拷
夜弔苦倍困圖爲稽查監獄所不及木廳每過街市
嘗聞號哭之聲不勝髮指已經申詳巡憲永行禁革
外爲此示仰約長人等知悉以後如有踵此陋習將
無辜平民搥發鄉約百長羈禁者許卽赴廳稟稟以
憑揭報督撫兩院指名題叅如有瞻徇不報本廳別
有見聞或被旁人首告先拿鄉約百長立斃杖下然
後揭叅木官斷不姑貸

學政一較文士

初筵月課

兩浙學憲張藝匪諱安茂

爲隆煥宮墻以崇原本嚴立學課以造真才事竊惟
尼山日月爲百代禮樂之宗泮水芹莠乃國家賢
才之地故

天子隆釋奠之文髦士端鼓篋之業所以崇勵化原
正始風俗者至嚴且重也近世以來學宮廢缺教職
曠弛履其地而自忘其本尸其官而不行其事任泗
水衣冠淪胥慕莽使黌宮子弟汗漫離經甚而秉鐸
經年足不登明倫之地束脩維脯口不談先聖之書

於是賢士無所依歸。不得不起而結社。才情無所寄託。不得不刻為私篇。致以社黨文體。鼓士君子之禍者。論導之官不得辭其責也。本道身任各教。職在秉衡。睹此陋習。實切恥之。實切痛之。今特行查所在學宮。有殿宇傾頽。簷廡圯壞者。仰郡縣勘實。估計詳報本道。捐俸倡修。其有見任官或捐貲或督工一德可錄。揭報攤按兩院。褒美賢勞。凡紳衿好義。但可捐置玉料。不得濫助銀錢。致生破冒。工完之日。但學官彙明申報。合行優獎。如有該學奸吏齋蠹。指借脩飭乘機侵濫者。訪知提究。決不姑貸。至于月課一條。原係

教官本等職業。不煩本道詳奪。但視為故事。違授題目。假筆。贗文。經時後。繳不置。甲乙無所觀感。虛名難期。實效。今特限每月朔望日。教官率諸生。瞻謁一聖廟。兼習禮儀。初二十六兩行課試。務要師生齊集一堂。本日交卷。將課文隨即封解。聽本道序次。選刊一切社文。恪遵功令。盡行禁止。凡月課不到。生員戒飭降罰。以次重輕。三次不到。竟行黜革。其餘暇日。仍仰該學教官。各就所見。或會文藝。或講經史。設几置坐。考鐘伐鼓。振勵盛脩。無輟厥業。一月之終。將行過規條。試過課題。詳開一單。日某日行某事。勤者幾人。

怠者幾人實心實政鑿鑿呈報本道考察學職即以
是分別優劣有稱職表異者即與特題優叙如怠
耄自安猶然故套本道繩之以法無辭推諉言念
先師廟宇為本原重地訓育俊良乃 照時盛典苟
攸好勿二上下自有同心惟推廣有條賢愚俱成嘉
器本道拭目新化聿觀厥成有此嚴飭該府仍轉行
所屬及儒學大書告示遍貼曉諭毋違

觀風月課示

川南紀光甫 詩 清苑人 守憲

照得分憲下車例有觀風之典衡文造士宜勤月課
之功蜀士自羅兵燹以來硯田久荒書城日墮時節

雅意作人亦安得進流離之子而論文字哉幸今流
氣既遠多士漸歸歲科兩試有人鄉會聯科多雋惟
下南新復未與盛典乃建宮墻而勤講課正今日作
養人才事也雖寥寥歸園之士未備泱泱大國之風
然吉光片羽彌欽噉鳳之音新鼎一鑿愈珍鹽梅之
用惟育才者領袖其事自應選者興起有人為此示
諭合屬府州縣官及教官知悉今本道擬於次月某
日先試觀風以槩覽川南之靈秀繼於每月某日通
行月課以進觀多士之就將但令州縣同教官就試
本邑以省奔走之勞仍令分校各卷解道覆閱以定



優劣之序在諸生各宜專心致志務竭刻日之長在各官亦宜矢慎矢公克勝父師之任將本道樂育夙懷作養至意庶幾可相須以有成也各圖實益勿襲虛文

論求復諸廢矜示

兩浙學憲張蓼匪

為收復遺軼事照得文教一事廢弛易而昌盛難人才一途阨窮多而遭遇少本道職任文衡惟懼賢才攸伏文運不光夙夜孜孜自庠序而及山澤何嘗一日不三復于心因念鼎革以後兵荒連歲雖大一統之規模已久而貧書生之殘喘未寧其間或以憂困

阻其功名或以隱僻艱于跋涉豈無懷瑾握瑜暫同耕釣但始因世亂而委曲保身不謂時平而遂絕進取告復之詞紛紛亦何忍任爾棄置本道已簡閱諸呈類查履歷如果初年未受委署從來未經考黜情有可原者于歲試正考後當另示日期出題數則嚴加考試無妨被格甄收爾等發憤溫習以須時日自問其才伎何如不必倉皇道途更廢肄業臨試荒謬扶出未便

科考童生示

太守徐德夫

為科舉事照得童生類多貧寒辦卷不無少費更聞

禮房吏書乘其納卷之際刁難需索往往有之至于
桌檯既經考過生員再辦加添自是足用該縣亦有
故難諸童勒令自備者尤為可恨夫貧士之一錢富
者之一金也豈能堪此除已行縣凡童生縣試即動
該縣贖銀府試即舉本府贖銀官買堅白太史連紙
照式置辦試卷及一切桌檯仍令先試生員次試童
生就便取給量為加添外為此示仰通縣童生知悉
遵照日期徑自執持筆硯赴試不必備卷并桌檯如
該縣吏書抗法仍復生端勒詐者許諸童不時赴稟
以憑拿究決不輕恕

觀風示

建南徐荆山諱元瑞
巡撫徐荆山武進人

照得昨甲敷文先期得士寒惟問俗務在求賢惟八
閩為詩書奧區而三郡尤理學淵藪考亭夫子萬世
儒宗道南先生二程嫡派封章特推忠定衍義創自
西山楊大年一代文豪胡康侯千秋正業群書祖蔡
重望推游莫不俎豆巖宮笙簧藝苑迄乎近代不乏
名公楊文敏補袞弘篇田中台傳燈茲矩鶴嶺三及
第鹿溪兩解元歷數古今不勝縷觀前既若此後亦
宜然本道素切景行殊深嚮往幸茲承乏可慰夙懷
但恐世變滄桑詞壇榛莽然文學本諧天性在圍城

不。輟。絃。歌。且。思。皇。蔚。起。國。楨。際。鼎。造。益。彰。茅。茹。朱。樂。
北。畿。早。捷。李。熊。本。省。掄。元。旣。萃。山。海。之。靈。自。應。風。雲。
之。會。本。道。僭。採。風。謠。謬。司。月。且。預。陳。蒨。簋。遍。迂。蘭。昭。
公。冗。初。閤。新。涼。正。爽。疎。桐。引。露。儼。臨。周。易。以。研。珠。班。
管。搖。星。似。映。銀。河。而。散。彩。縱。橫。浩。博。盡。傾。郝。龍。曠。日。
之。書。慘。淡。悲。涼。不。數。宋。玉。傷。秋。之。賦。擬。杜。子。美。八。首。
佳。句。定。欲。驚。人。咏。潘。安。仁。二。毛。韶。光。豈。常。戀。我。各。期。
努力。共。事。含。毫。詎。誇。後。夜。初。朝。乞。雲。錦。之。機。杼。於。帝。
女。跨。看。明。年。此。際。問。天。香。之。消。息。於。嫦。娥。藥。物。果。號。
參。苓。梓。林。卽。登。梨。棗。借。甲。乙。之。題。品。作。子。丑。之。先。聲。

本道技謝生花固乏文通夢筆心憐同調敢彈清獻
携琴翠練影於吳門懼滑疋馬辨劍光於延浦冀識
雙龍庶盡一日之長用結三秋之契爰舒青眼敬俟
白眉毋謂俗吏不暇文章意殊落落微名無開舉業
篇竟參參俾畫壁可以照晴卽寶山不敘空手將見
才華理解周遜前徽甲第科名克收後效就茲彥會
雅應賓興竊附儲才仰符協運

諭衡山縣儒童

衡州王望加講仕雲
江寧人

爲力催童生報名投卷事照得 朝廷作興學校各
憲優待諸童年來撫部弘開義學各屬生童歡欣鼓

舞赴試爭先何獨衡山一縣甘心曩足學道試牌久
到縣官屢次行文乃報名投卷終是寥寥豈懷才抱
璞不肯輕受人知抑或官斯土者輕薄阿蒙未經刮
目耶本廳爲老諸生二十年負海內虛名三十載居
家教授生徒從童子科預識黃甲者廿有餘人承乏
衡李敢爲勸駕爲此仰縣學官吏知悉速傳通學廩
增附生員徧諭子弟門徒及早投名應試勿負千載
一時果有過今博古學識淹貫者本廳願爲掄揚必
期成就不過爲朝廷儲才備用非敢希冀樹恩爲
私門桃李也

正文體

兩浙祖起凡詳詳諸
學憲祖起凡詳詳諸

多士進取惟文是憑寒窓攻苦平生精力盡萃于茲
然文章一道難言之矣一曰理二曰氣三曰格三者
俱備而始傍以藻纘之詞乃爲盡善邇來浙省英賢
輩起出奇無窮可謂扶文章之妙盡文章之變矣蓋
文不難于正而難于正中見奇文亦不難于奇而難
于奇不失正爾諸生行文務須確遵傳註酌雅去浮
闡聖賢之秘奧究性命之淵深出以周程張朱之理
輔以班馬韓蘓之氣範以王唐瞿薛之格華實並茂
奇正相生是乃文家上乘本道所亟欲簡拔者也其

或割裂章旨變亂體格以怪誕爲新奇以隱晦爲奧
衍以短促爲簡古以繁冗爲雄渾或綴子書或摘釋
典是皆離經畔道聾聩雖工概無取焉至于文體之
壞出于利刻之多除試過優卷本道拔取其尤者親
加評閱始授剞劂外凡私選私刻遵照近例概行禁
絕又文有限字之禁炳若日星諸生臨文但求闡明
聖學無貴冗長取厭如逾五百五十字者定行不錄

學政二

選將材

桃源縣令官□□諱撫辰湖廣人

竊照天下雖治黷武則亂天下雖安忘戰必危我

國家承平日久家不講武人不知兵一旦小醜竊發
往往坐困理勢固然無足怪者爾淮水南北之區豐
沛滁和從古英雄崛起一奮發而能爲天下雄者也
桃雖彈丸自有其人或者抱膝長吟相時而後動乎
抑當事者之門未四闔也茲不論庠內庠外遠近卒
伍三敘九流凡有能吐奇畫策揆時度務能爲時事
效一臂者各備試卷同季考諸生一體考試本縣將
藉手以獻大廷

申明將才

爲申明將才以衰盛治事本縣擇于某日考選將才

榜示數日未見報名在簿豈因本日考試生童遂視
文武爲二事耶太公七十二將其中技勇衝鋒之士
不過數輩耳其餘種種全然不係武力之士故本縣
仿武科第三場之義而欲納有志之士同日考試雖
不必擗管效文人之嘔心而一言中窾一事當機卽
足以驗生平之大用故本縣示以不論學內學外遠
近卒伍三教九流皆可入試或先投一卷用印或臨
時自備一卷或併卷可不設立譚高論以見一日之
長茲特先期再爲申飭多士勉施毋負諄諄之意

考技勇

龍虎之所以能張其威勢者鱗鬣爪牙俱備也人爲
萬物之靈齊力乃其威勢。技藝卽其鱗爪。藝能生膽。
熟能生巧。然不比試。則人人皆責。獲養由基矣。安能
辨其強弱。巧拙哉。霜降大操。在邇。選有材能之士。訓
習。殊伍。凡爲之長者。必其技勇勝人者也。以技勇之
上下相爲統率。而陣勢成矣。擇于某日本縣親臨較
場。無論學內學外。遠近軍民。各以其類。呈其技藝。比
試。竟日本縣從其類而定其次第焉。

季試告西陵士子文

錢塘梁治涓諱允植
邑宰

蓋聞玉蘊山精。不韜光于和氏。珠藏淵藪。每煥采於

傲人故。笛奏柯言。但思蔡子。劍鳴園室。終遇張華。矧
茲錢塘者。湖汎金牛。地傳玉虎。龍飛鳳舞。代興禮樂
之文。鵠峙鸞翔。世沐較歌之化。私淑而懷。往哲蘇東
坡。嘯咏依然。望古以集。曩賢白太傅。風流未邈。兩峰
三登。豈徒栽雲。鏤雪之林。孤嶼斷橋。應有吮墨含毫
之秀。桃花新漲。旣認前津。楊葉舊穿。豈忘後矢。振朝
華而啟夕。秀拂紙則銀管。千言由夏。扇以迄冬。爐擁
書則牙籤。萬籟思運。新裁於述。作願。擿壯采以篇章。
莫不戶握靈施。人吞異鳥。僕學謝雕蟲。才漸窺豹。雅
有緇衣之好。入效丹鉛。誰無黃維之辭。敢分琴誦時。

維仲夏景正清和。凡我羣英。才多譽髦。是用朔之二
日。升堂授簡。俾衆美之畢陳。列坐分題。雖寸長而必
錄。柔桑蠶市。吟成芍藥之篇。楊柳烟堤。秀奪芙蓉之
句。惟望寰珊瑚之匣。說喜看南國才人。開翡翠以筆
牀。快識西陵名士。爰因問俗。兼樂觀風。賡棧樸之詩
與其遊也。結鳳麟之網。知子來之。

彌武生

兩浙祖起凡諱澤潛
學憲祖起凡寧遠人

國家文武並重于城之選。與菁莪之育。兼行此安不
忘危之意也。况

聖天子念切紉髀。加意鷹揚。更尤重于往昔者乎。向

來武試多以故事應之。或賄通報箭之人。或代倩捉力之手。印記可那。請托可恃。種種弊竇。不可枚舉。新奉部咨馬步之外。再試開弓舞刀。礮石誠綦重也。本道按試必遂一考驗。其有齊力方剛。技勇絕倫者。始為合式。即馬步雜嫻而勇力無聞。以孱弱克數者。概置不錄。至寓折衝子樽俎。從古名將。未有不讀書者。固當弓馬熟練。尤須策論兼長。必將孫吳司馬尉繚衛公兵法。通曉無遺。車戰陣圖。擊刺之方。講論悉備。則人人皆良將之材矣。其有身不離純綺。目不辨青黃。武斷鄉曲。遇事風生。糾群攘臂。凌轍官長。是自擯

官墻非特 功令不容實自貽伊戚耳。敢有復蹈前

弊者。從重究處。如教官徇匿不舉。亦即一體揭發。

學政三 禁冒籍

歲考童生示

臨洮太守許松牖諱重華太原人

為冒籍事。照得冒籍之禁。三令五申。不啻嚴矣。查訪徃例。有以寬故而縱容冒籍者。有以嚴故而致未非冒藉反被奸徒挾詐告害者。俱可痛恨。大慨入藉當差五十年以上。連姻結眷。或父兄已列青衿者。俱不得為冒藉。其更名改姓。依藤附葛者。固為真正冒籍。亦有自恃入籍之久。援引同姓之人。認作弟侄者。總



係冒藉但戶口文冊俱貯縣庫清查詰問。俱屬縣官。已經備行各縣嚴查外。爲此示仰各童知悉。但訪有的係前項冒籍聽赴該縣從實舉首。查明逐革。原生亦自不敢保認各童亦自不敢互結不必赴府纏擾。其或該縣曲法蔽護。廩童通同認結者。方許首告。如既不首。縣又不首。府挾仇懷私。竟赴學道誣稟。希圖阻人進取者。定行究罪。決不輕恕。

學政四 戒童緣

教條之一

張蓼萑

士子之欲列賢官。將以爲進取階梯也。廣者不自量

圖以倖獵。豈唯不竟進取。將僥得而僥失之。又何庸焉。况朝廷冀得真才而用之。苟王者竿牘。是猶是閉賢路而貽作人之鉅典。羞也。廼有田舍翁。目迷黑。白錢神。自詡不問其子弟之才不才也。橐中多金乎。且結津要而驛騎焉。卽名隸膠庠矣。獨不思子弟果才也者。濡毫伸翰。不勞而獲人爭慕之。重之彼妄營者。事倖成。則挾裏蹏走朱門。俛首前爲壽。唯恐不得當其子弟。卽揚揚自得。思誇耀里門。而三尺童子。且掩口揶揄其後。曰此亦諸生耶。轉瞬再談。而蹏蹏隨之。向者金錢委逝。波矣其。或事敗觸機。絀禍身罹刑。

獄身家且爰爰其盡而邊顧青其衿乎。傾家扞法謚
曰至愚且講託路開。則孤寒道塞本道為諸生時習
賂伴竇者竄身入學。而單戶能文之子反吞聲短氣
久為切齒茲身任提衡之責其肯冒進不類而淹抑
真才乎受命陞辭之日業已端誓神明。矢心衾影所
秉者公所執者法苟食言也。有如此日爾生童及爾
父兄慎毋妄意夤緣而以身蹈不測也。

諭童生

松江史道林謹可法
太守史道林宛平人

為直告鑽刺童生事照得一番考試三年辛苦所係
卽本府回視。考童光景猶戚戚焉富室律進書。及孤

寒本府嘗懼此厄茲幸而出仕豈敢以此厄人見川
專羅英才惟文是視。仰天子有詔亦須封還業已矣
之天日匹夫有志三軍難奪法紀具有何物么庶敢
撓吾令為此示諭各童知悉務要安心作文靜觀正
案有如懷奸挾詐故意撓亂視本府不若匹夫視法
紀不啻弁髦者本府偏衷狹量實難堪此縱使偶收
正等亦必檢出塗抹天日在上斷不食言特此預告
學政五 端士習

教條之一

兩浙張蓼匪諱安茂
學憲

回禹之山有丹鳳焉其羽九苞其飛千仞則覽者毋

政狎之矣况得而羅諸士亦有然氣節者士之儀羽也懷文抱質潛德以居豈非歸然物望取重云爾哉異日出而筮仕正色立朝致身侃侃恒必山之然氣節非他厲廉恥極綱常如古人立志不在溫飽每食不忘君父遠大自期罔汗流俗庶幾稱焉如徒昂凌倨侮植黨害公昂首招搖動稱義憤夫是之謂客氣非正氣也自士習日媮坊表掃地蠅頭所在走如鶩焉於是柔声厚貌獻諂公庭冠蓋遙臨則鞠躬長跽禪祠上壽則攘袂爭先嗟此青衿有同狐媚良足羞矣又其甚者結納胥椽之歡借盤餐以通好滑稽與

厲之伍笑木強非俊物遂使伍伯賤隸抗顏叫呼是可忍也將何不至豈非名教之罪人乎若廼驕兵曠日橫氣相加藐爾孱生飽其凌錄定鼎初年斯風未殄今 聖天子垂意右文當無慮此唯是士必自重也而後人知重之今之搖尾取憐泥首忍詬固卽疇昔之一呼羣吠躍治無忌者也不過癡心一鬱遂至目心屈節耳本道目擊頽風痛心扼掌爲日久矣爾諸生自今其務整廉隅矯然自好奉介旻通寧方毋同苟風節表表本道且收容而禮之矣當事諸賢皆曰此中多佳士吾臭味也其誰不刮目以待何況么

廢鼠輩哉本道願諸生為管幼安王彥方不願諸生為掃門之賓望塵之客也諸生其善自愛

教條八次之一

兩浙祖起凡諱澤潛學憲

自實行不修士子之習尚不可問矣記誦詞章祇工揣摩為梯榮捷徑不復知有文行並重之典豈國象興賢育士之意哉兩浙乃英才淵藪祇行鴛名者固不之人然其中能無傷倫敗化蕩閑踰檢者乎矜尚豪華則曰五陵裘馬脫略禮法則曰兩晉風流或庸俗以自甘或匪類之是比此皆習染移人諸生所宜深戒也本道蒞任伊始期爾多上以孝弟為本以

忠信為基以五常為性天以四維為坊表持躬恂恂如玉在璞如珠在淵彬彬乎文質兼優者與言斯士將加禮焉其間或有借公呈以行私編歌謠以寓刺攬訟包糧挑釁造謗皆屬寡廉鮮耻之儔也本道職司風憲難為若輩寬其法網至于鄉賢名宦之並隸學宮以云勸也是宜表潛德之幽光協秉彞之同好倘賄囑同儕隨聲附和無實行可稽者確訪有據一併究處

教條八款之一

兩浙祖起凡諱澤潛學憲

德行為士子立身之本優劣為考試不易之條勸懲



之意即寓于黜陟之中此風教之大者也奈日久弊
生往往不得其平皆由于申報不實為賞緣報復之
階耳文理荒謬借優為掩過之梯小怨思修砌劣為
反噬之地門斗司其激揚賢否出于風影實行無聞
吞舟漏網深可痛恨揆厥由來總緣往時徒修故事
是以無閑激勸今行所在教官將該學生員優劣預
先探訪申報其優者必曰其言某行之可嘉其劣者
必曰其人某事之足據開列實跡候本道覆驗施行
務須私議合乎公評輿情恟乎士論庶賢者有獎賞
之榮不肖者有褫奪之辱然後玉石攸分薰蕕不混

更聞無知匪類假冒名色學冊從無姓氏居鄉自號
青衿魚肉里民抗糧唆訟妄諫官長投遞公呈其惡
難以悉數此真 國法之所不寬教條之所必禁本
道持衡茲土稂莠必除一有訪聞立置重典

學政六 禁保官

論各學生員

江西王印周 諱日 華亭人

為嚴禁生員保官以端士習以慎官評事照得君子
居是邦不非其大夫然僅曰不非已耳未聞有誦德
稱功以惑上而獻媚者也甚而既之破矣猶喋喋而
目為龔黃紛紛而促為召杜世有襲黃召杜之譽不

資治新書二集
出于無心之口而頌于有事之秋乎此無他仰鼻息
于居恒假涕泣于此日不過了一番狐假之私情耳
夫善媚即善訕之流保官即訐官之漸于是有司雜
職中有稍拂其欲者則長短可媒雌黃在口傳檄泣
廟謗紙盈街了無顧忌甚矣習俗之偷而為士風之
玷也且僚屬官評上臺自有衡鑑又豈一二危詞勦
說可以炫非作是而假公濟私者哉多見其不知量
耳合行嚴禁為此示仰合屬生員知悉以後各宜洗
濯陋風無許更踏前轍本道一面出示一面移會各
衙門以後凡有保官呈詞除不准外即將原呈發送

本道以便逐名究處輕則戒飭重則除名云

學政七 設義學

設義學

淮揚漕撫蔡魁吾錦州人

為勸民向學以善風俗事照得九項山一帶為四境
接壤之區山林叢薄之地其俗驕悍其民好爭跋扈
慕陵不循禮義自明季以至今茲陷罔為非不一而
足夫天生蒸民秉彜好德安有人而不可為善者乎
矧昔人所言父兄之教不先子弟之率不謹寡廉鮮
恥而俗不長厚也窮其所由總由人習朴野不讀詩
書之故耳本部院之治民先德禮而後政刑輕法網

資治新書二集
而重文教自信天下無不可化之人無不可善之俗
與其令之格而不若俾以格心與其俛首刑章不若
東身禮義茲欲使之勉就師儒但恐窮民無力特捐
俸銀若干以助設立義學之費合行曉諭為此示仰
居民人等知悉自今以往舍爾頑梗之澆風就吾聖
賢之大道上之明體適用將為天下之大儒次亦謹
度束身不失一鄉之善士無資者不必另備脩脯有
力者更或擴充饌糧庶幾朝絃夕誦人懷拔濯之思
於以日漸月磨里無不美之俗本部院化民俗俗之
意有厚望焉其各熟思而審處之特諭

禁學宮牧馬

廣東盧山

為嚴禁學宮牧馬以崇學較事照得文廟之設所以
尊先聖而禮前賢教化于是乎興人才于是乎出乃
千古帝王必敬必崇之地非若他種祠廟可以興廢
由人敬棄任已者也近聞各營養馬兵丁因見文廟
之旁悉屬空地且多青草謬謂學圃可牧泮池可飲
遂至驅馬踐食其間以致穢氣薰蒸不可向避豈
聖靈弁髦國法莫此為甚本部院聞之不勝
指卽云亭出偶然非閱有意夫學宮何地而可以
然嘗試且此地可偶則亦何地不可偶乎除以

先。外。合。行。嚴。禁。爲。此。示。仰。各。營。將。弁。知。悉。以。後。務。須。約。束。兵。丁。諭。以。禮。法。不。許。匹。馬。隻。蹄。踐。入。學。宮。門。內。如。有。仍。前。不。法。縱。放。各。營。騾。馬。于。聖。殿。前。後。收。養。者。仰。該。學。官。役。一。而。羈。繫。其。馬。以。作。憑。驗。一。面。赴。本。部。院。呈。稟。查。係。何。營。馬。疋。立。金。該。營。將。弁。治。以。紀。律。不。嚴。之。罪。不。獨。懲。治。兵。丁。而。已。也。特。示。

軍政二 約束兵丁

禁飭備兵

江甯江麻謙
總督麻謙
勅令事照得

爲嚴禁旗下兵丁生事害民以申功令事照得
南爲財賦重地設立四旗滿洲駐鎮省會早明軍

封疆又安百姓乃以衛民非以擾民也本部院欽奉
錫賜勅書內開載駐防滿洲兵丁如有擾害百姓妄
行生事爾會同該管審問治罪邇來聞得旗下兵民
人等有故違約束妄行擾害收買土棍藉爲爪牙并
不付以貲本却令徒手營求覓利尋錢遂致若輩招
集匪黨布散街衢各日扯蓬或就視塗人衣帽白手
搶奪或強買店舖貨物短價携歸或借倚搜覓巡人
而攫取貲財或捏指撞損衣物而逼使賠償或擺錢
局賄愚弄鄉民白晝橫行公然無忌又有戶長小厮
備打柴而砍伐墳園竹木託取草而剝割田地禾苗

續台新書二集卷十

五

芥子園

緝齊捕魚採蔬掘筭無所不至誣賴人偷刀竊斧闖
室直入恣意苛求婪詐無厭再如守門披甲兵丁每
遇商民出入索取銀錢故違將軍副都統禁約不照
例查盤乃借此逼婦女下轎看耳看是任意戲狎甚
至民間婚娶女輜必索銀數兩卽送壘棺槨亦逼錢
于文不則阻攔凌虐鞭棍交加必遂其欲而後已種
種惡狀均屬擾民本部院未出都門久聞此弊但既
徃亦不苛求將來自新不容少待合行出示嚴加禁
飭爲此示仰滿漢軍良人等知悉示後務宜恪遵紀
律痛改前非如有怙惡不悛仍蹈前轍生事擾民者
國憲炳在本部院必不因屬滿洲人而有所分別也
彼時噬臍何及如有前項等情許被害之人卽時喊
稟本部院以憑查拿會同將軍副都統等位盡法究
審從重處治斷不輕貸須至示者

軍政一佐募兵勇

殺賊立功論

川南 紀光甫 諱 耀
守憲 清苑人

照得偽孽倡亂叙馬一帶連類鴉張到處風鶴始則
偽傳敕劄簧鼓無知繼而迫脇善良玉石莫辨不遇
窃窺下南無兵爲肆行劫掠之計可伴偷旦夕之生
耳竊念爾下南紳衿百姓雖同隸茲土實各保身家

倡亂者輒敢糾彘以逞志仗義者豈難殲寇而立功
 除本道飛檄三路大兵親督馳勦刻期滅此朝食外
 擬合通行曉諭為此示仰叙馬各府縣土司官紳士
 民知悉目今賊氛雖熾然大半烏合之衆各懷鳥散
 之心爾等無論在城在鄉被脇被虜凡有能仗義殺
 賊出奇制勝者本道立行揭報督撫題敘卽有能乘
 機觀變反敗爲功者本道亦實其前罪錄其新績亂
 賊可誅事在人爲凡我同讐各宜戮力如有猶疑觀
 望甘心從賊者大兵一到玉石俱焚毋貽後悔

禁戢暴兵等事

浙江冬滙白諱國器

照得設兵駐防期以鞏固疆圉衛安黎庶也今本都
 院蒞浙浹旬閩郡士民紛紛以悍兵見告聞之令人
 髮指隨經細加察訪蓋緣各營兵丁多帶親戚家人
 俱稱滿洲兵馬遂使地棍舊兵亦多假冒皆借打柴
 放馬爲名恣將竹木黍菽砍伐盡術羊鷄畜攫取
 無遺捉入負携強奪民船士子農商無不遭其塗毒
 且入市強買貨物守門指索銀錢暮夜之際假借做
 飯喫烟闖入人家乘機淫掠又令營中婦女紛紜四
 出公行搶奪莫敢誰何種種橫行殊非朝廷養兵
 衛民之意除本院未蒞之先姑不深究外合行嚴禁

爲此示仰兵丁士民人等知悉嗣後如有各營兵丁
多帶親戚及地棍舊兵冒充滿洲如前所刻諸弊肆
橫害民者無論新舊營兵爾地方里甲人等協力擒
拿解赴本部院以憑會同梅勒章京固山大審明按
法究治各標營兵地棍網打柳號示衆斷不輕貸特示
禁戢隨行官兵
廣東 盧山 斗 諱崇峻 總督 遼東人
爲嚴戢隨行官兵以安民業事照得滿洲大人按臨
東粵查勘邊海以立界限止有封疆之責者例應陪
巡但有陪巡之文武卽有隨行之官兵若不申嚴紀
律於未發之先必至弁髦軍令于既行之後海濱赤

寸向與盜賊爲隣叠遭焚劫無一不在倒懸爲民上
者方救焚拯溺之不暇尙可以約束不嚴而貽之害
乎是宜嚴加禁戢本部院已經會同將軍提督都統
各下嚴肅之令不許以寸草粒米擾害各處居民合
先揭示曉諭今本部院與將軍提督都統共部三位
大人于某月某日自省城起馬由香山新會出新寧
廣海并及開平陽江電白茂名吳川石城遂溪海康
徐聞等縣查勘各處附海邊疆事竣之後則自雷州
石城化州茂名電白陽江大平驛陽春新興取道回
肇抵省今各標兵丁奉此如霜之令自當保命全軀

無敢隕越但恐其間畏法守分者固多而藐法越分者亦未必不有寧可禁而不犯不可犯而不禁爲此示仰本差齎示前去經過沿途各府州縣仰官吏照樣瞻抄發所屬城廂市鎮及村庄等處徧行張掛曉諭紳衿里民人等知悉凡遇各標官兵經過如有搶掠牲畜奪取柴火踐食禾苗淫辱婦女拆毀房屋及短價強買捉取平民做夫等項不論是何標營許地方保甲協同受害之人扭送本部院軍前以憑會同該管盡法究治如畏強悍不敢拘執一面假意款留一面遣人馳稟如有指稱本院標下各色作前項不法事情者近則拿送本部院遠則先行打死然後稟報本部院仍給重賞凡此安諭之言皆出本部院保愛血誠並非套語務各遵守如本部院巡歷所到之處有一城一鄉不抄此示張掛者卽拿該縣經承重究慎勿故違

曉諭事

江陵唐伯顧諱之驥
邑宰

照得設兵駐防各分汛地原以禦盜安民非爲殃民縱盜而設也茲聞某汛防兵日則聚賭酗酒動以刀皆毆人令居民莫敢嚮邇夜則高枕酣臥地方有賊群起逐之反以驚夢攪睡辱罵居民是爾等皆統務

出身只該在銷金帳裡度夜汎地誼閣非爾等所宜居也姑念撥代未幾暫行申飭

諭瓊州兵民

海南馬翰如諱逢臯巡憲宛平人

為禁諭事照得功令森嚴不許片板下海者就下海而言禁販硝黃麻鐵一切貨物以資賊用及收買新來洋貨交通外國非就內港內江內河而言也出洋有犯卽會同總鎮黃通報必殺無赦如有內港內江內河及小溝小渠不在界外者應順民情捕魚為活但止許用小船竹筏不得用尖底大船至于擺渡舟航愈難斷絕瓊屬十三州縣方廣三千餘里隔港

距河之地甚多非船何以飛渡聞有地棍搆通營兵借端拿訛詐害百姓又聞近日紛騰之口有出洋取蟹之訛言夫蟹不出外洋何云出海且各汛防兵星布碁列如果出海開放之使出者為誰恐典守者不能無罪是造訛徒以自害耳除本道訪查得實有真正出海者法在必究必殺外如係小船小筏在內港等處網捕魚蝦者聽其自便勿加禁阻夫漁人之子常為漁借此以完國課免饑寒上不違法下可養生相安樂利誰復苛求乃有喪良奸徒捏情妄報希圖索詐深可痛恨除咨總鎮並移會各營示禁合行

曉諭云爾兵目奸徒各宜洗心改過如仍詐偽妄
行國法無私後悔無及如有私留尖底大船並放
人出海者文武官弁必照例通報立置重典特為禁
諭

軍政三 禁虛冒兵餉

條示之一

嶺東李包開 譚文煜 守憲 河南人

照得四郊當舉烽之日三軍非免胄之時但養一兵
須得一兵之用本道脩員斯職糧餉實所專司茲當
蒞任之初首飭冒餉之弊凡在營兵丁老弱者必刪
缺少者必補年貌箕羅冊籍必與腰牌符合凡有新

募更換補伍者另須具文補驗換給腰牌若乃塑無
名之夫以蠶有數之粟鬼冊上之名而倩臨時之點
者有一干此法難輕縱至於居常練習每逢朔望日
齊赴教場演試弓馬器械以憑本道親臨觀驗分別
賞罰其額設兵糧有司及各官目按季均給毋得延
遲尅減以于軍政將卒務要同心各營相為犄角軍
威自壯小醜自潛此飭兵之大畧也

禁冒餉

廣東 總督 盧山斗 譚宗峻 遼東人

為嚴察虛冒兵餉以實營伍以肅軍政事照得朝
廷費餉養兵專為守護封疆勦禦盜賊之用而各營

將弁亦藉其力以樹功勳若平時虛冒軍餉使兵丁
缺額一到地方有事召募不及苟且支吾未有不違
悞軍機而干犯國法者也本部院箴任之初卽已
嚴加禁飭近又奉每歲兩次選官審黜以防虛冒之
旨非止愛惜兵餉正爲封疆守禦計耳各營將弁諒
知國法森然本部院軍令嚴肅必不圖竊升斗虛
糧而悞身家重計但恐人有賢愚不等知機達務者
固多而昏昧不醒貪小利而忘大計者百中不無一
二本部院束髮從戎熟知將弁中利弊有等不肖員
弁平時專事影佔或兵丁有召募不足假捏鬼名克

數及有逃亡物故等情隱匿不報苟幸地方無事早
瞞一日早冒一日虛糧多隱一名多沾一名實惠臨
點之際僱倩應名每遇調遣則以擺塘出差等項名
色彌縫答應獨苦現在之兵操戈挾矢爲召募未足
逃亡物故者當以此所以衆心携貳臨陣不前雖遇
可殺可擒之賊亦縱之使竄不肯爲主將立功皆庸
冒二字悞之也及至違悞軍機身遭重譴卽有虛冒
所得之糧餉其能安享而坐食之哉本部院欲申軍
令先以循循善誘之語破其癡蒙想爾等將弁亦能
猛省而默識之也爲此示仰各營將弁兵丁知悉凡

昔中額設兵數俱要實名克伍不得缺少一人而捏
鬼名搪塞遇有逃亡物故等情一面申報一面募補
不得羈遲片刻有于平時虛冒軍餉及至委官查點
以跟隨執事等役應名至逢調遣以擺塘出差等名
色掩飾者本部院或得之告首或得之訪聞立行叅
拿究處悔之無及仰各抄謄傳諭咸洗舊習共勵新
圖可也

軍政四 撫兵

諭六營逃散各兵

瓊州姚繼菴諱士升
司李姚繼菴江陵人

閩瓊民米實熟者不過六萬六營所食廼逾九萬縱
有歷欠皆協餉不時之過豈司兵者責汝輩竟忍舍
二十年來日夜撫循之老主帥一旦遁去中野徘徊
不卽就伍將欲何爲雖然本廳又何忍不曲爲汝謀
而空勸汝回依舊忍捫腹之苦不見汝等去後本廳
卽親詣汝等家中查問汝等妻子親見汝家瓶無斗
粟室有餓雛汝等妻子見本所泣下本所亦爲泣下
似此景象誰忍怪汝等遠去本所冷署素無蓄儲汝
等所知彼時卽爲汝等家置米若干斗銀若干錢夫
此些須錢米豈能便救汝等妻子之飢但示痛楚相
關之意而已隨向汝總爺處再四懇求借銀若干兩

併向府庫貸銀若干兩。脩給汝等一兩月之餉。雖歲計不足。而月計有餘。刻于申文。催請協餉。早晚定有至者。逐漸過去。勝似野處。離拋妻子。翱翔河上也。汝等披堅執銳。效死報國。已歷二十年。所賴城堅守。天下知名。今因缺餉之故。率爾荒野。萬一草盜奸黎。乘機搶竊。鄉村風聞。訛傳汝等在外。何以自解。不如早歸城中。為萬全也。本所素為汝等所信。一錢不愛。一字不欺者。其言如是。汝等以為何如。望之望之。勿再遲疑。致生後悔。特示。

其二

觀此妙
用能不
服膺

汝等前者率爾野次。蓋因月餉壓欠甚多。無以糊口。故爾野處待餉。亦不得已之下策也。本廳今晨拜客。過四脚樓。見有強奪屠戶肉者。彼豈欲以肉糜充飢。所謂將梁山泊好漢名色偷雞喫也。隨將此兵交營。向同總鎮責二十棍。訖非鎮責兵。迺本廳。逼鎮責兵耳。汝等若以此二十棍為是。當寂然無言。若以責為不當。本廳即刻巡視南門一帶。爾等雖介而譁。本廳不畏也。特示。

其三

示諭海口營水兵知悉。本廳兩日內多方措借得餉。

二萬四千兩。照六營兵數分貯支放。現在站城之兵。只候支放完訖。卽各照舊歸伍。爾輩何得擅離本汛。闖入郡城。使前此各營錯誤。一旦盡歸汝等。可謂不智極矣。倘或汝等意欲乘機窺法。闖伺西南關廂一帶居民舖面。不卽歸伍。本廳便移領餉歸伍之隊。轉爲問罪之師。有本廳在鼎。不可得而問也。速去勿忽。

其四

今日之舉。已斬叛首張騰鳳。陸彪。夏五子等餘兵。各宜下城速歸。照舊收伍。首惡已誅。餘無濫殺。本廳夙負信實。敢以百口保之。特諭。

軍政五 安民

止逃民論

督師 史道林 諱可法 邵院 宛平人

爲安集人心。鼓舞禦侮。事照得本部院治兵。有年。習知賊情久矣。自蒞任以來。行文各府州縣。俾勸爾鄉市士民。各訓練本里子弟。以自固其圍。此古人守望相助禦寇之良策也。聞爾士民愚頑成習。不知上緊。今一旦聽聞妖語。風聲鶴唳。便爲搖動。不知小人詭計。專造虛言。恐嚇待爾。民逃竄離家。則室中所藏衣食。盡爲所擄。但得爾民十百成群。操練不走。賊亦人耳。誰肯舍身近前。與爾相鬪。爾若不信。試遇惡大爾。

若疾走即便咬傷爾若站立不動犬白寂然遠退賊之智猶犬也今特傳諭鄉市人等急將前諭每里自報一人照依縣操墜伍派定成陣今日派定一册明日即可殺賊逃散則人稀勢弱派定則人聚勢張大敵且不足畏視彼土賊若砧上肉釜中魚耳爾眾其信本部院之言勿生疑畏

止逆民諭

瓊州姚繼巷 譚上升 司李 江陵人

本廳今晨拜客過四牌樓見有兵強奪屠尸肉者當將其人交鎮責二十棍訖本廳意謂眾兵必譁及至本廳巡視南門一帶眾兵不惟無譁且嘖嘖稱善其

本為言
兵即為
賊兵賊
兵人人
可殺言
之悚然
○既位
官慰民

意無他可知爾百姓向爾安聽訛傳紛紛携眷下鄉不思瓊島四面皆海去將安之除拿責外合行申諭以開爾等茅塞兵雖眾疆其數不多于百姓百姓所以讓兵不敢敵兵者蓋為官兵兩字拘束民因官畏兵兵亦因官脅民不知但有官在兵即不敢殺民若要殺民須先去官若既無官兵非官兵民即不畏民既不畏兵即以眾寡為強弱兵雖眾疆其數不多于百姓由是觀之官即兵之護身符民即官之報仇人也今官府現在兵斷不敢有他爾等何自驚惶萬一鄉村暮夜有失豈非自取其悔更諭爾等眾兵惟官

又借民
恐兵可
謂人而
有術

尚知爾等甘苦百姓不知好反惟以虐彼者為仇萬
一彼此交構那時官欲護兵先不能制民上司風聞
只信兵能虐民不信民敢敵兵不如兵民各安生理
兩俱無猜靜以待餉上司聞知自然憐汝等饑苦前
番出城迺是萬不得已百姓商旅往來之口捷于文
書不可不畏也思之深思之勿忽

軍政六 調劑兵民

論杭州兵民

杭州舟楫崑壁 諱國諭
道東人

自古迄今有有兵而無民者乎無有有民而無兵
者乎無有二者既不可相無則治之之道貴協于平

正理名
管千古
妙義

爾杭猶舟也官斯士者操舟者也兵與民左右載也
偏左左覆偏右右覆視所重之處即所偏之處視所
偏之處即所覆之處今治兵者重兵偏兵安得不覆
兵治民者重民偏民安得不覆民夫苟一偏覆而舟
與全覆偏兵覆兵究且覆民偏民覆民究且覆兵兵
民俱覆而操舟者獨焉不覆乎本廳與兵民約更與
治兵治民者約勿偏重斯無全覆凡兵民有坐于庭
者兵言兵之情民言民之情本廳虛懷折之已而兵
就民之所坐本廳與代言民之情民就兵之所坐本
廳與代言兵之情兩易其地兩得其平要于大公無

資治新書二集卷十

三

徧無頗若有不公不平者不妨面相折難本廳靜而聽之務期兩服而後止本廳今日初服此中空洞無人我相爾兵民暨治兵治民者幸勿復如前此之此界彼疆可也左右適均操舟者力不勞而下合于流水樂何如耶倘仍前執迷偏護致生憤競本廳以不律隨之雖蒼兕之獷不難惠之相束也戒之戒之

禁民避兵示

無錫縣尹吳伯成諱興祚清河人

為曉諭事照得江南新奉特旨撤回防蘓大兵船隻俱齊啓行在即聞爾城外及鄉居士民慮其經過留連預為周匝之計挈家而避者紛紛使本縣聞之

其自任也如那得不為民之山嶽

不勝浩歎天人既奉朝廷銓簡俾作一方司牧則

繭絲保障必所優為若止能敲朴催科而于應接兵戎之事莫之預理以致兵馬有需索之煩居民受騷驛之苦甚至家貲有失婦女貽羞則是此一人者固為民害所基有此一官不若無此一官之為愈也

吳公美政極多不能悉經善應大共使民安堵其一事也督撫諸公奏

朝廷何所取而昇以民社百姓何所德而呼為父母乎本縣雖乏長才猶能酌應師旅自聞報之日即將供應需用之物先期措辦寧多無少現貯城外空房俟大兵經過之日取之如赤且防大兵停泊城外本縣深居署內早晚或有取給必致呼應不靈則爾城

外居民聞其大聲疾呼未有不震恐而踧踏者今擬于太兵入境之日為始本縣不分晝夜盡在城外料理直待出境之後方纔入署爾民自可安心勿生疑畏况大兵防蘓日久將軍紀律素嚴又爾民所熟悉者豈有在此則相安而臨行忽縱佚者乎為此出示曉諭自示以後爾民未避者其各安居已避者速歸復業如有不信曉諭仍前移竄者是視本縣為民害所基雖有若無之官矣立拿嚴究决不姑貸須至示者

禁鷹架示

江南陳司貞
海城人

為禁約事照得省城圍闔雲連商民貿易稠雜往往掬模偷剪之輩。爾生奸本司飭行南北兩捕廳責成總甲方捕時加察拿不啻三令五申矣近有無籍之徒勾引旗丁二戶長等于鬧市衝衢創設鷹架每每借稱驚逸打詐路人又或以尋覓為名乘屋踰牆竊取民間器物種種為害莫可如何本司訪聞最真隨經會同藩司面致副都統等位隨即嚴諭旗人撤市外但照羽族產於山林非近地所有旗下禁例無故不許擅出百里之外若非遊手奸民捕取至省勾引市賣則一切鷹錫等物何自而來合行嚴禁為此



示仰總甲方捕知悉。嗣後如有仍前擎架鷹鷂在街市聚集貨賣阻礙行人詐害居民及擅闖民居等項不法者即便扭稟本司民則重責枷示旗則解赴公衙門嚴審發落斷不姑貸須至示者

軍政七 撫賊

招那危賊示

瓊州姚綏菴 江陵人 司李

諭陳仔吳了頭等知悉。昨本廳快役自那危市回說汝等聚眾在那危市中廳役經過汝等見有本廳牌票隨即令眾護送過去不敢損傷者是汝等猶知有官也是汝等猶知有好官也。既知有官必知有王法

要問何修得此

有天理既知有好官即當做好人行好事前汝等乘夜燒劫白沙河等地方道鎮大怒則欲發兵前來剿除汝等汝附近居民人人切齒都要點起看村准備火器來攻汝寨本廳因見汝等昨日一番舉動像箇不終為惡的因此急會道鎮并傳諭各村民暫且停兵三日思量救汝等數百千條性命汝等若果真心改惡遷善牌到之日汝等按下安放寨中具一手稟附來設帶回本廳見了明日辰時即單騎親到汝等寨中帶汝等頭目數十人一齊出來叩求道鎮招安汝等永為良善之民本廳冰心素定一錢不費汝的

郭令公 原不難 為只要 使人信

得過

利驅勢
脅由書
搦厚

一禁不喫汝的一字不欺汝的汝既知我為好官我
也還你為好人汝若稍有執迷本廳即刻回覆道鎮
鋒鏑之下勢無完卵機會一失不可再得本廳亦將
身詣各村督率看村鄉勇即移犒賞汝等之花紅牛
酒為鼓勵各村鄉勇之花紅牛酒賞良鋤惡王法如
是天理如是好官應當如是思之思之勿貽後悔特
論

招那危賊示

姚繼菴

論陳仔吳了頭據稟稱南岐黎尚尚首王瑞應因見
汝等昨就本廳招安致書汝等也要向本廳討招安

是汝等不惟自己改惡遷善又能化人棄賊從良不
惟本廳面上光耀在汝等較前亦覺大有氣勢為善
最樂即此可見但據彼與汝等書內有請教汝等作
何調停等語本廳前此到汝等寨中及汝等出寨歸
農還是有調停無調停還是破本廳之鈔還是費汝
等之錢彼既請教汝汝須直說據汝稟稱已經回復
並未費錢一文及城中盤費尚用本廳銀子等語諒
彼自然懽喜前來本廳見過道鎮即差的當不愛錢
人役前到汝處同汝等的人到南岐黎峒中同王瑞
應出來凡有讐怨之家思相阻害者但是本廳一力

卷之二

五

上子劉

承擔決不食言從此東西兩路悉歸坦平南北旅商歌謳戴道汝等共樂海隅太平不亦休乎特諭

招喃咄賊諭

姚繼菴

諭喃咄黎峒峒首黃仕昌據萬州塘報稟稱汝知本廳到州督徵錢糧汝要乘此機會親自出峒到州面討招撫此好事也本廳從來不欺一人不愛一錢前此已經招安幾處現有榜樣况汝係自己情愿出來更與招之始出者不同格外優待又何須說至于着人帶銀一百兩越州納汝所管峒界榔稅此欲表明汝等真心輸服之意但從來納稅則例收稅簿上必

能使齊
金而來
復使携
金而往
此等作
冊去孔
明拾繼
有幾

填某都某里某甲某戶榔稅若干納完若干方總納得明白總好解上府庫轉解司部今汝帶來之銀並無里戶花名便交納上簿也不便起解豈不白白丟了這主錢財今仍付來人帶回本廳只將汝等這番好意達過道鎮非金為寶誠心為寶非暫為貴永久為貴聞汝長子知書能文又能勸汝學好可與同來時方考較安知其非觀光上國之姿也

禁民妄告投誠

漳泉葉函公
江寧人

為嘉與投誠嚴禁挾仇妄告事照得難民陷身逆黨多因被誘被脅勢非得已情實可矜茲如黃沙窠投

誠李某撫日黃某某等歸化自新已行安插得所此皆本道仰體朝廷赦宥之恩矢心招撫故能反逆歸順無論遠年近日一切罪過咸與豁除即實在受害人等亦當聽從勸諭解釋前愆為甘心報復之安為超度懺悔之緣毋得認執前愆為甘心報復之計倘有仍挾宿忿入笠深求或從其解散而張羅置網或摭其往事而索瘢求庇有一於此查實法究總之身在賊營所行必無好事名登順冊諸凡悉置用聞前此雖係冤家今日皆吾赤子縱不能擴爾等之量亦當推本道之恩自示以後如有生端搆毀不遵

勸誠者即以誣陷良民治罪間有朦朧赴督撫告准者本道即具詳重處決不寬貸

招諭李榮叛黨

廣東盧山斗諱崇峻總督

為曉諭事照得周玉李榮背恩反叛匪止國法難宥亦且天理莫容故官兵一發而周玉就擒餘黨或殺或溺俱無漏網惟李榮一賊尚帶殘黨數輩連誅海上是誠釜底遊魚其竿首裂屍且夕間事耳茲本部院暨二位將軍回省急欲兵揀精騎船增快櫓疾馳追勦必圖滅此而後朝食乃平南王昨經會議謂李榮近知悔禍哀詞乞撫王已許令歸誠則此么

麼一賊爲衆幾何本部院何必定以擒殺爲威而使脅從之衆盡膏斧鉞乎業已頒示曉諭聽其來歸待以不死矣但恐賊情狡詐不無遲疑觀望之心乞憐而不就撫是愈激官兵之怒再經撲勦非特李榮必無噍類卽餘黨及脅從之輩欲求本部院姑開一面不可得矣合行揭示曉諭爲此示仰李榮部黨及脅從人等知悉本部院軫念爾等素屬良民或因遷移失業或因逼擄相從一入賊群脫身無計又慮走回故土不爲官捕緝拿卽被讐家告發總無活路不如相率偷生此爾等至愚之念亦爾等極苦之情也今

本部院爲爾等開誠示約如道首李榮果能革心歸化爾等卽與偕來本部院行令地方官就近安插不致失所如李榮心懷携貳向背遲疑爾等各自爲計限以示到三日或折散隊伍自來奔投或燒沉船隻散歸故里是謂知迷速返本部院嘉與維新依然赤子從前一切過惡概置不論如有讐家告害者除不雅外仍行究處倘不知機遠禍猶然遁踪波濤卽是真正逆賊本部院發兵捕勦不分首從一概屠洗是爾等生死兩途卽判于三日之內也早宜決策無致噬臍

